

CYFARFOD	Pwyllgor Ymgynghorol Harbwr Pwllheli
DYDDIAD	17 Mawrth 2020
TEITL	Diweddariad Carthu
AWDUR	Swyddog Morwrol

Diweddariad ar y materion yn ymwneud â'r gwaith Carthu yn Harbwr Pwllheli

1. **Arolwg Hydrograffeg** - Cynhaliwyd arolwg Hydrograffeg manwl yn yr harbwr yn ystod yr wythnos yn dechrau 2 Mawrth 2020. Cynhaliwyd yr arolwg gan ddefnyddio dau ddull; Arolwg Drôn Awyrol a chwch arolwg bychan ar y dŵr. Bu i'r ddau ddull ddarparu arolwg manwl fydd yn galluogi'r Cyngor i bennu'r lefel croniant yn ardal yr harbwr ers i'r arolwg diwethaf gael ei gynnal.

Bydd copi print o'r Arolwg Hydrograffeg ar gael i'w archwilio yn ystod Cyfarfod y Pwyllgor Harbwr ac mae copi electronig ar gael i bawb ar gais. Mae'r data sydd ar gael yn yr arolwg hydrograffeg ar ffurf Seilnod Siart a Seilnod Ordans. Nodir bod y sianel ym mynedfa'r harbwr wedi culhau.

2. **Y Grwyn Preseb (Crib Groyne)** - mae'r gwaith ar ailadeiladu'r Grwyn Preseb ac ymestyn rhan o'r Grwyn Preseb yn bwrw ymlaen yn dda ac fe ddylai'r gwaith gael ei gwblhau yn ystod cyfnod y contract. Mae cost y gwaith dros £230k.

Bu i Storm Ceira, ac i raddau llai, Storm Dennis, effeithio ar flaendraeth Marian y De ac o ganlyniad, bydd angen mwy o gerrig amddiffyn ar gyfer rhan y Grwyn Preseb sy'n wynebu'r môr. Mae'r gofyniad ychwanegol hwn am gerrig amddiffyn yn sgil enciliad yn lefelau'r traeth.

Yr amcangyfrifon cychwynnol yw y bydd angen oddeutu 80 tonnell ychwanegol o gerrig. Bydd y rhain yn dod o Chwael Minffordd yn yr un modd â'r cerrig amddiffyn presennol.

3. **Pentwr Stoc Tywod** - ar 6 Mawrth 2020, bydd gwaith wedi mynd rhagddo i waredu tywod o'r pentwr stoc a'i ddefnyddio i ailgyflenwi Traeth Crugan. Rhagwelir y bydd y gwaith hanfodol hwn yn cymryd oddeutu 5 i 6 wythnos i'w gwblhau. Disgwylir y bydd yr holl deunydd a garthwyd yn flaenorol, a'r deunydd a storiwyd, yn cael ei gludo'n uniongyrchol i Draeth Crugan.

Ariannwyd y gwaith hwn gan Lywodraeth Cymru fel rhan o'r rhaglen amddiffynfeydd môr a bydd y gwaith hefyd yn sicrhau, ynghyd â chryfhau'r blaendraeth yn Nhraeth Crugan, y bydd y gwaith o ailgyflenwi traethau hefyd yn sicrhau bod capasiti ychwanegol ar gael ar gyfer storio deunydd sydd wedi'i garthu ar y safle hwn am y blynyddoedd nesaf, oni bai y cytunir ar opsiynau amgen.

4. **Mynedfa'r Harbwr** - disgwylir i'r gwaith o garthu mynedfa'r harbwr gael ei wneud ym mis Ebrill 2020, yn ystod y llanw mwyaf priodol. Mae'r Uned Forwrol wedi ystyried y posibilrwydd o wneud y gwaith hwn yn ystod yr wythnos yn dechrau 9 Mawrth 2020, ond bu i amgylchiadau olygu nad oedd modd caffael y gwaith. Byddwn yn sicrhau bod Aelodau'r Pwyllgor yn cael eu diweddarau ar y gwaith sydd wedi'i raglennu, cyn gynted ag y deir i gytundeb ar contract.

Nodir bod y stormydd diweddar wedi dod â deunydd ychwanegol i fynedfa'r harbwr ac i'r sianel fordwyo.

5. **Carthu Cynnal a Chadw** - Mae dogfennau'r contract yn cael eu paratoi er mwyn cynnal y gwaith carthu cynnal a chadw ym masn y Marina a'r Sianel Ddynesu yn y cyfnod rhwng mis Hydref a mis Rhagfyr 2020. Mae'r Uned Forwrol yn gwneud gwaith ar y lagŵn ddistyllu ar hyn o bryd er mwyn pennu'r union gapasiti. Gobeithir y bydd y gwaith carthu ym Mhwllheli yn cael ei wneud ar y cyd â'r contract carthu yn Noc Fictoria.
6. **Lagŵn Ddistyllu** - gwaith yn parhau i gael ei wneud ar ddulliau amgen o ddyddodi'r gwaddodion o'r Lagŵn Ddistyllu. Mae'r ffensys diogelwch wedi cael eu hamnewid yn rhannol ac fe ragwelir y bydd gwaith pellach yn cael ei wneud ar y ffens ddiogelwch yn ystod 2020.